



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

PERLUASAN PROJEK RINTIS SISTEM KAWALAN DIESEL BERSUBSIDI 2.0 (SKDS 2.0)

CYBERJAYA, 6 MAC 2024 - Kementerian Perdagangan Dalam Negeri dan Kos Sara Hidup (KPDN) akan bekerjasama dengan lima syarikat minyak untuk memperluas Projek Rintis Sistem Kawalan Diesel Bersubsidi 2.0 (SKDS 2.0). Fasa I Projek Rintis SKDS 2.0 telah berjaya dilaksanakan sejak Januari 2024 yang melibatkan enam syarikat perintis dalam Sektor Pengangkutan Darat (Barangan).

Bermula 7 Mac 2024, Fasa II Projek Rintis SKDS 2.0 akan diperluas kepada syarikat-syarikat Sektor Pengangkutan Darat (Barangan). Sembilan (9) jenis kenderaan yang terlibat dalam fasa II ini adalah seperti berikut:

- | | |
|--------------------------|--------------------------|
| (i) Lori Kargo Am; | (vi) Lori Tangki Tepung; |
| (ii) Lori Minuman Botol; | (vii) Lori Tangki Air; |
| (iii) Lori Refrigerated; | (viii) Panel Van; dan |
| (iv) Lori Luton/ Kotak; | (ix) Window Van. |
| (v) Penggerak Utama; | |

Permohonan boleh dibuat mulai hari Khamis, 7 Mac 2024, pukul 9.00 pagi melalui Sistem MySubsidi Diesel KPDN di pautan <https://mysubsidi.kpdn.gov.my/>. Syarat-syarat permohonan adalah seperti berikut:

- (i) syarikat hendaklah berdaftar di Malaysia;
- (ii) kenderaan barangan adalah milik syarikat pemohon;
- (iii) kenderaan barangan hendaklah mempunyai cukai jalan yang sah; dan
- (iv) kenderaan barangan dalam sembilan jenis kenderaan yang disenaraikan terlibat dalam Fasa II Projek Rintis.

Sebaik berjaya mendapat kelulusan dibawah Sistem MySubsidi Diesel KPDN, proses selanjutnya syarikat-syarikat Sektor Pengangkutan Darat (Barangan) berkenaan boleh mendapatkan *Fleet Card* daripada syarikat minyak pilihan untuk pembelian diesel bersubsidi. Mekanisme menggunakan *Fleet Card* ini adalah antara usaha untuk beralih daripada kaedah manual ke teknologi digital dalam mengawal selia barang bersubsidi yang dipertanggungjawabkan di bawah KPDN.

Perluasan penggunaan *Fleet Card* kepada Sektor Pengangkutan Darat (Barangan) di bawah Fasa II Projek Rintis SKDS 2.0 adalah bagi menambah baik kaedah kawal selia dalam pemberian diesel bersubsidi kepada kenderaan yang layak.

Pada masa yang sama, KPDN dan Kementerian Kewangan (MOF) sedang meneliti keperluan perluasan Projek Rintis SKDS 2.0 kepada jenis-jenis kenderaan Sektor Pengangkutan Darat (Barangan) lain yang bersesuaian bagi menangani risiko ketirisan dan penyeludupan diesel bersubsidi dengan lebih cekap dan efektif. Kaedah digital ini juga dapat membantu mengurangkan kos kawalan dan penguatkuasaan yang dibuat secara fizikal.

Sebarang pertanyaan dan maklumat lanjut berkaitan Fasa II Projek Rintis SKDS 2.0 ini boleh dirujuk kepada Pusat Panggilan Sistem MySubsidi Diesel di talian 03-8882 5917/ 6176/ 5894/ 5893 bermula jam 8.00 pagi sehingga 5.00 petang pada hari bekerja. Manakala pertanyaan berkenaan permohonan *Fleet Card* syarikat-syarikat minyak boleh terus dirujuk melalui platform perhubungan seperti di bawah:

Jenama Syarikat Minyak	Talian	Emel
(i) PETRONAS	1-300-88-8181	mesralink@petronas.com
(ii) Shell	1-300-22-8181	generalcardrequests-my@shell.com
(iii) Petron	1-800-88-8298	customer@petronfleetcard.com.my
(iv) Caltex	1-800-88-3168	StarCardMY@chevron.com
(v) BHP	03-7719 9499	xfleet@bhpetrol.com.my

YB DATUK ARMIZAN MOHD ALI

Menteri Perdagangan Dalam Negeri
dan Kos Sara Hidup